


Cofrestriadau dros dro TGAU a Thystysgrifau Lefel 1/ Lefel 2 mis Tachwedd ar gyfer Cymru 2018

Uchafbwyntiau

29 Tachwedd 2018


Ffigur 1: Cofrestriadau TGAU Tachwedd 2018



Ffynhonnell: Cyrff dyfarnu - Cofrestriadau yn ôl casgliad data Grŵp Blwyddyn, rhwng 2017 a 2018 Cymwysterau Cymru; cyn Ofqual 2017

Roedd 22,450 o gofrestrïadau TGAU ym mis Tachwedd, i lawr 32,395 (59.1%) o fis Tachwedd diwethaf. Mae'r cofrestrïadau Mathemateg – Rhifedd yn cynrychioli 54.2% o gymharu â 36.0% fis Tachwedd diwethaf.

Ffigur 2: Cofrestriadau Fis Tachwedd yn ôl Pwnc



Ffynhonnell: Cyrff dyfarnu - Cofrestriadau yn ôl casgliad data

Y datganiad hwn

Mae'r datganiad ystadegol hwn yn darparu gwybodaeth am nifer y cofrestrïadau TGAU a thystysgrifau Lefel 1/Lefel 2 a gyflwynwyd i gyrff dyfarnu cyn cyfres Tachwedd 2018. Roedd cofrestrïadau TGAU eleni ar gyfer: Mathemateg, Mathemateg – Rhifedd, Saesneg Iaith a Chymraeg Iaith.

Mae'r datganiad hwn yn seiliedig ar ddata a gasglwyd gan gyrff dyfarnu, yn gywir ar 26 Hydref 2018.

Cynnwys

Cyflwyniad..... 2
 Ystadegau..... 4
 Rhestr termau..... 9
 Nodiadau cefndir.. 10



CYFLWYNIAD

Mae Cymwysterau Cymru yn rheoleiddio cymwysterau, ac eithrio graddau, yng Nghymru. O dan Ddeddf Cymwysterau Cymru 2015,¹ ein prif nodau yw sicrhau bod cymwysterau, a'r system gymwysterau yng Nghymru, yn effeithiol o ran diwallu anghenion rhesymol dysgwyr yng Nghymru, a hyrwyddo hyder y cyhoedd mewn cymwysterau ac yn y system gymwysterau yng Nghymru.

O'r flwyddyn academiaidd 2017/18, rydym wedi casglu ac adrodd ar ddata yng Nghymru ar gyfer cymwysterau cyffredinol. Cyn y flwyddyn academiaidd 2017/18, ²Ofqual oedd yn casglu ac yn cyhoeddi data ar gyfer Cymru. Mae'r cymariaethau a wneir yn y datganiad hwn yn seiliedig ar ddata a gasglwyd ac a gyhoeddwyd gennym ar gyfer Tachwedd 2017 a gan Ofqual cyn hynny.

Yn y datganiad hwn, rydym yn cyflwyno data ar nifer y cofrestriadau TGAU a thystysgrifau Lefel 1/Lefel 2 yng Nghymru ar gyfer cyfres arholiadau Tachwedd 2018. Mae'r ffigurau yn cynrychioli nifer y cofrestriadau, wedi'u talgrynnu i'r 5 agosaf, a gyflwynwyd gan gyrff dyfarnu erbyn 26 Hydref 2018, gan adlewyrchu'r sefyllfa ar 24 Hydref. Gall y ffigurau cofrestriadau newid yn ddyddiol hyd at ddiwrnod yr arholiadau. Gall y ffigurau cofrestriadau gynnwys mwy nag un cofrestriad ar gyfer disgyblion unigol ar draws y pynciau.

DYLANWADAU ALLANOL

Diwygio cymwysterau

Yn dilyn ³adolygiad gan Lywodraeth Cymru o gymwysterau ar gyfer pobl ifanc rhwng 14 a 19 oed yn 2012, mae cyfres newydd o gymwysterau diwygiedig yn cael eu cyflwyno yng Nghymru. Ceir gwybodaeth am y newidiadau hyn, a rhestr o bynciau yr effeithir arnynt ⁴ar ein gwefan.

¹ <http://www.legislation.gov.uk/anaw/2015/5/contents/enacted>

² <https://www.gov.uk/government/news/changes-to-the-publication-of-geographical-breakdowns-of-data>

³ <https://beta.llyw.cymru/sites/default/files/publications/2018-02/adolygiad-o-gymwysterau-ar-gyfer-pobl-ifanc-14-i-19-oed-yng-nghymru-adroddiad-terfynol-ac-argymhellion.pdf>

⁴ <https://qualificationswales.org/cymraeg/cymwysterau/tgau-a-safon-uwch/diwygio-cymwysterau-cyffredinol/pa-bynciau-sydd-ar-gael/>

Nifer gyfyngedig o bynciau sydd ar gael yng nghyfres mis Tachwedd o gymharu â chyfres yr haf. Ym mis Tachwedd 2018, caiff TGAU diwygiedig mewn Mathemateg, Mathemateg – Rhifedd, Saesneg Iaith a Chymraeg Iaith eu sefyll gan ddysgwyr yng Nghymru. Mae nifer fach o gymwysterau eraill hefyd yn cael eu dyfarnu, gan gynnwys ailsefyll arholiadau TGAU 9-1 newydd yn Lloegr mewn Mathemateg a Saesneg Iaith. .

Pan fyddwn yn defnyddio "TGAU diwygiedig" rydym yn cyfeirio at y cymwysterau TGAU sydd wedi'u diwygio i fodloni'r meini prawf cymeradwyo a nodwyd yng Nghymru.

Cyhoeddiad Llywodraeth Cymru

Gwnaeth Llywodraeth Cymru ⁵gyhoeddiad ar 16 Hydref 2017 ynglŷn â rheolau newydd sy'n gysylltiedig â chofrestriadau TGAU. Mae'r Ysgrifennydd Addysg wedi cyhoeddi, o haf 2019, mai dim ond cofrestriad cyntaf disgybl ar gyfer arholiad TGAU fydd yn cyfrif tuag at fesurau perfformiad ysgol. Cyn hynny y radd orau a gyflawnwyd oedd yn cyfrif. Mae'r cyhoeddiad yn golygu mai graddau cyntaf a gyflawnwyd gan ddisgyblion Blwyddyn 10 neu iau fydd yn cyfrif tuag at fesurau perfformiad.

⁵ <https://gov.wales/newsroom/educationandskills/2017/changes-to-early-entry-exams-announced/?skip=1&lang=cy>

YSTADEGAU

COFRESTRIDAU TGAU


Tabl 1: Cofrestriadau TGAU Tachwedd 2018 yn ôl grŵp blwyddyn

Pwnc TGAU	Blwyddyn 9 neu is	Blwyddyn 10	Blwyddyn 11	Blwyddyn 12	Blwyddyn 13 neu uwch	Cyfanswm
Mathemateg	10	15	4,935	1,125	635	6,720
Mathemateg - Rhifedd	*	20	11,715	340	95	12,170
Saesneg Iaith	0	*	1,760	1,005	580	3,345
Cymraeg	0	0	175	15	*	195
Arall	0	0	0	10	10	20
Cyfanswm	10	35	18,585	2,495	1,325	22,450

Ffynhonnell: Cyrff dyfarnu - Cofrestriadau yn ôl casgliad Grŵp Blwyddyn, ar 24 Hydref 2018, Cymwysterau Cymru

Roedd 22,450 o gofrestriadau TGAU ar gyfer cyfres Tachwedd 2018, gyda 22,430 ohonynt ar gyfer TGAU diwygiedig. Roedd y cymwysterau a oedd wedi'u cynnwys yn y categori 'Arall' yn cynnwys ailsefyll TGAU 9-1 newydd Lloegr mewn Saesneg Iaith a Mathemateg. Gellir astudio'r cymwysterau hyn mewn ysgolion annibynnol.

Ffigur 3: Cofrestriadau TGAU Tachwedd yn ôl grŵp blwyddyn




Ffynhonnell: Cyrff dyfarnu - Cofrestriadau yn ôl casgliad data Grŵp Blwyddyn, rhwng 2017 a 2018 Cymwysterau Cymru; cyn Ofqual 2017

Cofrestriadau pynciau TGAU diwygiedig yn ôl grŵp blwyddyn, Tachwedd 2018

TGAU Mathemateg a TGAU Mathemateg – Rhifedd

Ffigur 4: Cofrestriadau TGAU Mathemateg Tachwedd 2017 yn ôl grŵp blwyddyn



Cafwyd 6,720 o gofrestrïadau ar gyfer Mathemateg, i lawr 15,950 (70.4%). Cafwyd 12,170 o gofrestrïadau ar gyfer Mathemateg – Rhifedd, i lawr 7,560 (38.3%). Roedd 73.4% o'r cofrestrïadau ar gyfer TGAU Mathemateg ar gyfer myfyrwyr blwyddyn 11, o gymharu â 96.3% ar gyfer TGAU Mathemateg – Rhifedd.


Cofrestrïadau Blwyddyn 10 neu is oedd 0.4% ac 0.2% o gofrestrïadau ar gyfer TGAU Mathemateg a TGAU Mathemateg – Rhifedd yn y drefn

honno.

Roedd 26.2% o gofrestrïadau ar gyfer TGAU Mathemateg o flwyddyn 12 neu uwch, a 3.6% ar gyfer TGAU Mathemateg – Rhifedd.

Ffigur 5: Cofrestriadau TGAU Mathemateg – Rhifedd Tachwedd 2017 yn ôl grŵp blwyddyn

Lleihaodd cyfanswm nifer y cofrestrïadau ar gyfer TGAU Mathemateg ym mis Tachwedd 2018 70.4% o gymharu â'r mis Tachwedd blaenorol. Gwelwyd gostyngiad o 38.3% mewn TGAU Mathemateg – Rhifedd.




Tabl 2: Cofrestriadau TGAU Mathemateg a Mathemateg - Rhifedd Tachwedd yn ôl grŵp blwyddyn

	Blwyddyn 9 neu is	Blwyddyn 10	Blwyddyn 11	Blwyddyn 12	Blwyddyn 13 neu uwch	Cyfanswm
TGAU Mathemateg						
2018	10	15	4,935	1,125	635	6,720
2017	*	230	20,350	1,495	590	22,670
2016	0	295	22,575	175	25	23,070
TGAU Mathemateg - Rhifedd						
2018	*	20	11,715	340	95	12,170
2017	*	220	18,880	495	130	19,730
2016	0	335	28,705	145	15	29,205

Ffynhonnell: Cyrff dyfarnu - Cofrestriadau yn ôl casgliad data Grŵp Blwyddyn, rhwng 2017 a 2018 Cymwysterau Cymru; cyn Ofqual 2017

TGAU Saesneg laith

Ffigur 6: Cofrestriadau TGAU Saesneg laith Tachwedd yn ôl grŵp blwyddyn




Ffynhonnell: Cyrff dyfarnu - Cofrestriadau yn ôl casgliad data

Cafwyd 3,345 o gofrestriadau ym mis Tachwedd 2018, gostyngiad o 71.8%. Cafwyd 1,760 o gofrestriadau (52.6% o'r holl gofrestriadau) gan fyfyrwyr blwyddyn 11, i lawr o 10,480 (88.3% o'r holl gofrestriadau) fis Tachwedd diwethaf.

Roedd 1,585 o gofrestriadau (47.4% o'r holl gofrestriadau) gan fyfyrwyr blwyddyn 12 neu uwch, i fyny o 1,395 (11.7% o'r holl gofrestriadau) fis Tachwedd diwethaf. Roedd y cofrestriadau gan fyfyrwyr blwyddyn 10 neu is yn ystod y ddwy flynedd yn cyfrif am lai na 0.1% o'r holl gofrestriadau.

TGAU Cymraeg laith

Ffigur 7: Cofrestriadau TGAU Cymraeg laith Tachwedd 2017 yn ôl grŵp blwyddyn



Ffynhonnell: Cyrff dyfarnu - Cofrestriadau yn ôl casgliad data

Cafwyd 195 o gofrestriadau ym mis Tachwedd 2018, gostyngiad o 61.3%. Cafwyd 175 o gofrestriadau (90.8% o'r holl gofrestriadau) gan fyfyrwyr blwyddyn 11, i lawr o 485 (95.8% o'r holl gofrestriadau) fis Tachwedd diwethaf. Roedd 20 o'r cofrestriadau (9.2% o'r holl gofrestriadau) gan fyfyrwyr blwyddyn 12 neu uwch, dim newid o fis Tachwedd diwethaf mewn nifer absoliwt ond roedd ychydig yn uwch (4.2% o'r holl gofrestriadau). Roedd y cofrestriadau gan fyfyrwyr blwyddyn 10 neu is yn ystod y ddwy flynedd yn cyfrif am lai na 0.1% o'r holl gofrestriadau.

COFRESTRIADAU TYSTYSGRIF LEFEL 1/LEFEL 2

Roedd cyfanswm nifer y cofrestriadau ar gyfer cofrestriadau tystysgrif Lefel 1/Lefel 2 ym mis Tachwedd 2018 ar gyfer Cymru yn rhy isel i'w datgelu ar gyfer y datganiad hwn, yn unol â'n polisi interim allbynnau ystadegol⁶.

⁶ <https://qualificationswales.org/cymraeg/cyhoeddiadau/interim-statistical-outputs-policy/>

RHESTR TERMAU

Corff dyfarnu

Sefydliad sy'n datblygu cymwysterau, yn nodi ac yn monitro asesiadau ac yn cyflwyno dyfarniadau i ddysgwyr, yn cydnabod y deilliannau dysgu yn ffurfiol (gwybodaeth, sgiliau a/neu gymwyseddau), yn dilyn gweithdrefn asesu a dilysu. Mewn rhannau eraill o'r DU gelwir y rhain yn Sefydliadau Dyfarnu neu Fyrddau Arholi.

TGAU

Mae cymwysterau Tystysgrif Gyffredinol Addysg Uwchradd ar gael mewn amrywiaeth eang o bynciau. Cymwysterau TGAU yw'r prif gymwysterau Lefel 1 a Lefel 2 cyffredinol ar gyfer pobl ifanc 14-16 oed yng Nghymru. Gellir eu defnyddio fel sail i astudio neu hyfforddi ar lefel uwch, neu i gael mynediad uniongyrchol i gyflogaeth.

Cyfnewid

Mae ysgolion a cholegau yn cofrestru myfyrwyr sy'n cwblhau cymhwyster ac sydd am hawlio eu gradd derfynol yn y sesiwn arholi honno.

Blwyddyn 10

Myfyrwyr sy'n 15 oed erbyn 31 Awst 2018.

Blwyddyn 11

Myfyrwyr sy'n 16 oed erbyn 31 Awst 2018.

Blwyddyn 12

Myfyrwyr sy'n 17 oed erbyn 31 Awst 2018.

Canolfan

Corff sy'n cyflenwi asesiadau (a gweithgareddau eraill o bosibl) i ddysgwyr ar ran corff dyfarnu. Fel arfer, sefydliadau addysg, darparwyr hyfforddiant neu gyflogwyr yw'r canolfannau hyn.

Llinol

Caiff cymwysterau TGAU llinol eu cynllunio fel bod yr holl waith asesu mewn pwnc yn cael ei gwblhau ar ddiwedd y rhaglen ddysgu. - Mae hyn yn golygu bob tro y caiff disgybl ei gofrestru gan ei ysgol neu goleg i gael dyfarniad gradd, bydd angen iddo sefyll pob cydran asesu ar gyfer y cymhwyster (arholiadau, ac ar gyfer rhai pynciau, ffurfiau eraill ar asesiad dan reolaeth).

Unedol

Caiff cymwysterau unedol eu cynllunio fel y gall disgyblion gwblhau unedau asesu ar bwyntiau gwahanol yn ystod y cwrs, gyda gradd derfynol yn cael ei chyfnewid ar ddiwedd y rhaglen ddysgu ar ôl i'r disgybl gwblhau pob uned. Ar gyfer cymwysterau TGAU, mae'n rhaid i ddysgwyr gwblhau isafswm o'r asesiad er mwyn cael cymhwyster yn y gyfres lle byddant yn cyfnewid.

NODIADAU CEFNDIR

Ar 21 Tachwedd 2017, cymeradwyodd Cynulliad Cenedlaethol Cymru Orchymyn Ystadegau Swyddogol (Cymru) 2017 a enwodd Cymwysterau Cymru yn un o'r cyrff sydd o fewn cwmpas Deddf Ystadegau a'r Gwasanaeth Cofrestru 2007. Mae Cymwysterau Cymru yn gweithredu mewn cydymffurfiaeth â Chod Ymarfer Awdurdod Ystadegau'r DU ar gyfer Ystadegau Swyddogol⁷ ac mae wedi cyhoeddi'r datganiad ystadegol hwn fel Ystadegau Swyddogol.

Ffynhonnell Data

Mae'r cyrff dyfarnu sy'n darparu cyrsiau TGAU a thystysgrifau Lefel 1/Lefel 2 wedi cyflwyno gwybodaeth i Cymwysterau Cymru am nifer y cofrestriadau ar gyfer pob cymhwyster sydd ar gael ym mis Tachwedd 2018. Dim ond ar gyfer canolfannau sydd wedi'u lleoli yng Nghymru mae'r cofrestriadau, ni waeth pa fath o ganolfan ydyw. Mae'r datganiad hwn yn cwmpasu nifer y cofrestriadau wedi'u dadansoddi yn ôl pwnc ac oedran y myfyrwyr yng Nghymru yn seiliedig ar grwpiau blwyddyn ysgol (Blwyddyn 11 yw'r flwyddyn academiaidd pan fydd myfyrwyr yn troi'n 16 oed).

Cafodd data cyn cyfres Tachwedd 2017 eu casglu a'u hadrodd gan Ofqual⁸.

Cyfngiadau'r data

Mae camgymeriadau posibl yn y wybodaeth a ddarparwyd gan gyrff dyfarnu. Felly, ni all Cymwysterau Cymru sicrhau bod y wybodaeth a gafwyd yn gywir. Mae Cymwysterau Cymru yn cymharu'r data dros amser ac yn gwirio ar gyfer problemau systematig. Cynhelir gweithdrefnau sicrhau ansawdd i sicrhau cywirdeb y data a'u herio neu eu cwestiynu, lle bo angen. Mae Cymwysterau Cymru yn rheoli'r broses hon yn barhaus drwy wneud y canlynol:

⁷ <https://www.statisticsauthority.gov.uk/code-of-practice/>

⁸ <https://www.gov.uk/government/statistics/gcse-and-level-1level-2-certificates-entries-in-england-november-2016>

- Sicrhau bod darparwyr data yn glir ynghylch yr hyn sy'n ofynnol ganddynt ac yr ymgynghorir yn llawn â nhw yn ystod y cyfnodau cynllunio cychwynol ac unrhyw gyfnodau newid dilynol;
- Atgoffa pob darparwr (os yw'n briodol) bod yn rhaid i'r holl ddata fod yn hollol gywir fel amod eu bod yn cael eu rheoleiddio;
- Bod yn wiliadwrus o newidiadau annisgwyl yn y data a gyflwynir drwy gymharu ffurflenni unigol dros amser gan yr un darparwr;
- Herio unrhyw ganlyniadau annisgwyl gyda'r darparwyr data.

Gellir gohirio'r cyhoeddiad os nad yw'r ystadegau yn cael eu hystyried yn addas at y diben.

Mae data wedi cael eu casglu ar bwynt priodol pan fyddant wedi'u cwblhau'n rhesymol. Ar gyfer TGAU a thystysgrif Lefel 1/Lefel 2 y dyddiad oedd 26 Hydref 2018. Fodd bynnag, gall ysgolion barhau i wneud cofrestriadau hwyr hyd at ddyddiad yr arholiad, felly bydd cyfanswm nifer y cofrestriadau yn newid i gofrestrïadau dros dro. O ganlyniad, mae teitl y datganiad hwn yn cyfeirio at gofrestrïadau dros dro.

Cymariaethau

O 2017/18, cyflwynodd cyrff dyfarnu ddata i Cymwysterau Cymru yn hytrach nag Ofqual. Dylid cymryd gofal wrth ddehongli cymariaethau â data Ofqual hanesyddol.

Cwmpas Daeryddol

Mae'r datganiad hwn yn cyflwyno data ar nifer y cofrestriadau ar gyfer TGAU a thystysgrifau Lefel 1/Lefel 2 ar gyfer cyfres arholiadau Tachwedd 2018 ar gyfer canolfannau sydd wedi'u lleoli yng Nghymru. Nid yw'r datganiad hwn yn cynnwys cymwysterau TGAU a thystysgrifau Level 1/Lefel 2 a astudir y tu allan i Gymru.

Diwygiadau

Unwaith y byddant wedi'u cyhoeddi, nid yw data ar nifer y cofrestriadau fel arfer yn cael eu hadolygu, er y gall datganiadau dilynol gael eu hadolygu i gynnwys data hwyr neu gywiro camgymeriad.

Cyflawnrwydd y data

Mae cyrff dyfarnu yn anfon data cofrestriadau i Cymwysterau Cymru ar gyfer yr holl gymwysterau rheoleiddiedig sydd wedi'u dosbarthu fel cymwysterau TGAU neu dystysgrifau Lefel 1/Lefel 2. Mae Cymwysterau Cymru yn cysylltu ag unrhyw gorff dyfarnu nad yw'n dychwelyd cyfres lawn o ddata o fewn y cyfnod casglu, i wneud yn siŵr

fod y data mor gyflawn â phosibl. Ni chaiff cymwysterau Safon Uwch ac Uwch Gyfrannol eu dyfarnu yng nghyfres mis Tachwedd.

Talgrynnu a Chyfrinachedd

Er mwyn diogelu cyfrinachedd, ac yn unol â pholisi interim allbynnau ystadegol Cymwysterau Cymru, caiff yr holl ffigurau ar gyfer nifer y tystysgrifau a gyflwynir eu talgrynnu. Yn y sylwebaeth a'r tablau, maent wedi'u talgrynnu i'r 5 agosaf. Rhoddir * yn lle ffigurau llai na 5 ond mwy na 0. Mae hyn er mwyn sicrhau nad yw'r data yn datgelu ymgeisydd unigol. Mae'r holl ganrannau o fewn y sylwadau yn seiliedig ar ffigurau gwirioneddol. Mae'r ffigurau wedi'u talgrynnu'n annibynnol ac felly mae'n bosibl na fyddant yn symio i'r cyfanswm.

Defnyddwyr yr ystadegau hyn

Mae'r ystadegau hyn yn debygol o fod o ddi-ddordeb i Cymwysterau Cymru, Ofqual, cyrff dyfarnu a Llywodraeth Cymru. Rydym yn croesawu adborth gan ddefnyddwyr, felly rydym yn disgwyl cael gwell dealltwriaeth o bwy yw ein defnyddwyr dros amser. Mae Cymwysterau Cymru yn defnyddio'r ystadegau hyn i lywio dealltwriaeth o batrymau cofrestrïadau.

Ystadegau a chyhoeddiadau cysylltiedig

Mae nifer o ddatganiadau ystadegol yn ymwneud â'r datganiad hwn, gan gynnwys y canlynol:

- Datganiad ystadegol cofrestrïadau mis Tachwedd a chofrestrïadau haf ar gyfer Lloegr⁹ (gyda data Cymru cyfatebol mewn tablau excel ar gyfer blynyddoedd academaidd hanesyddol) a gyhoeddir gan Ofqual.
- Y datganiad 'Canlyniadau'r cyfrifiad ysgolion', a gyhoeddwyd gan Lywodraeth Cymru¹⁰.

Gwybodaeth ddefnyddiol

Mae rhestr termau ar gael ar dudalen 8 i'ch helpu i ddehongli'r datganiad hwn. Ceir gwybodaeth am gyhoeddiadau yn y dyfodol ar wefan Llywodraeth Cymru¹¹.

Mae'r gofrestr QiW¹² yn rhoi gwybodaeth am gymwysterau cymeradwy a dynodedig sy'n gymwys i gael arian cyhoeddus yng Nghymru.

⁹ <https://www.gov.uk/government/statistics?departments%5B%5D=ofqual>

¹⁰ <https://gov.wales/statistics-and-research/schools-census/?lang=cy>

¹¹ <https://gov.wales/statistics-and-research/?upcoming=true&lang=cy>

¹² <https://www.qiw.wales/?lang=cy>

Y diweddariad nesaf

Tachwedd 2019 (dros dro).

Adborth gan ddefnyddwyr

Rydym yn croesawu adborth ar unrhyw agwedd ar yr ystadegau hyn, a gellir ei ddarparu drwy e-bost i statistics@qualificationswales.org.

(h) (2018) Rhoddir caniatâd i'w atgynhyrchu ar yr amod y cyfeirir at Cymwysterau Cymru fel y ffynhonnell wreiddiol.